



Terenga 2: Hōtaka 41 - Mehemea

Kei ngā kīato me ngā rauawaawa o ngā waka kua pae mai nei ki te takutai o AKO, tēnā rā koutou katoa. He kaupapa whakawhānui pūkenga reo tēnei e taea ai e tātou te whakapuaki o tātou kare-ā-roto, wheako, whakaaro anō hoki ki te reo Māori. Kia uhono tātou i runga i tā tātou kaupapa.

Hei Mahi Whakarongo

Māringanui kāore e pērā rawa ana te uaua o ngā mita rerekē mai i te tai tamāhine whakawhiti atu ki te taitamatāne o ngā motu e rua. Heoi tā tātou he whakarongo, he 'hakarongo, he whakaron'o, he whakaroko, he w'akarongo rānei. Anei ngā pātai hei whakautu mā koutou.

1. He aha ngā tatauranga i whakahuatia ai e rāua?
2. E hia ngā mita rerekē o Whanganui?
3. He kaupapa nui ki te tokorua nei o rāua mita?

Whakatauritehia o whakautu ki ērā o ngā ākongā o AKO.

He Whakamārama

Ka whakamahia ngā kupu e whai ake nei hei tohu i te kumukumu, i te warawara, arā kāore i te āta mōhiohia te hua ka puta i tētehi mahi, i tētehi āhuatanga rānei.

Mehemea / Mehe / Me / Mena / Memea / Pēnā

Hei Manatu

Ko te kupu hei manatu mā tātou i te rā nei ko te kupu 'waia'. Anei tētehi taurira o te whakamahinga.

Kua waia au ki te tunu keke. Nā reira kāore he take kia titiro au ki te pukapuka tohutaka.

Kei wareware i a koutou, he rerekē te kupu 'waea' me te kupu 'waia'. Mehemea e hiahia ana koe ki te kōrero i tō tino mōhio ki te mahi i tētehi mahi. Kua **waia** kē koe ki taua mahi. Kia kaha tā tātou aro atu ki te whakahua o ā tātou kupu.

Hei Mahi

Whakamāorihia ēnei rerenga:

1. If you don't want it, don't eat it.
2. If you go down that street, you'll get lost.
3. If that's your father, then you're my brother!
4. If I go will you come?
5. If you know the answer, tell me!

Whakautu:

1. Mehemea kāore i te pīrangitia, kua e kainga.
2. Mehemea ka whai koe i tērā huarahi, ka ngaro koe.
3. Mehemea koirā tō pāpā, ko koe taku tungāne/tuakana/teina.
4. Mena ka haere au, ka haere mai koe?
5. Me e mōhio ana koe ki te whakautu, whākina mai!